

SAOPŠTENJE ZA MEDIJE

Širenje prodajne mreže

U Velikoj Kladuši otvorena prva dm prodavnica

Brojna iznenađenja za kupce i popust od 15% na ukupnu kupovinu

Velika Kladuša, 23.6.2022. – Najveći drogerijski lanac u BiH, dm drogerie markt od danas posluje i u Velikoj Kladuši! Na adresi 1. maja bb, uz brojne pogodnosti i iznenađenja za kupce, otvorena je prva dm prodavnica u ovom gradu. U ugodnom prodajnom ambijentu moderno opremljenog objekta već od 9 sati ujutro kupci su mogli potražiti željene proizvode iz bogatog dm asortimana za cijelu porodicu, od onih iz segmenta njege i ljepote, zdrave ishrane, proizvoda za održavanje higijene domaćinstva do proizvoda iz asortimana za bebe i djecu. Osim toga, od sada i kupci iz ovog grada mogu uživati u pogodnostima dm active beauty programa lojalnosti te jednostavno sakupljati bodove i štedjeti.

Povodom širenja prodajne mreže, koja sada broji 83 prodavnice u 44 bh. grada, svi koji su danas obavili kupovinu u novootvorenoj dm prodavnici u Velikoj Kladuši ostvarili su popust od 15% na ukupnu kupovinu, a ova pogodnost traje i naredna dva dana, tj. do 25.6.2022. Također, prvog dana otvorenja, sve kupce koji su obavili kupovinu u vrijednosti od 25 KM ili više je čekao mali znak pažnje. Na dan otvorenja, ali i naredna dva dana, svim kupcima dm poklanja trajni ceker koji uvijek mogu nositi sa sobom u kupovinu, dok je kupcima, čiji iznos računa iznosi 50 KM ili više, dm darovao kišobran te peškir za kupovinu u vrijednosti od 70 KM ili više.

Udruženju „I mi postojimo“ donacija dm proizvoda u vrijednosti od 3.000 KM

Početak rada prve dm prodavnice u Velikoj Kladuši dm je obilježio i društveno odgovornim djelovanjem u zajednici, uručivši donaciju proizvoda u vrijednosti od 3.000 KM lokalnom Udruženju roditelja djece i mladih s posebnim potrebama „I mi postojimo“. Udruženje, koje je formirano 2009. godine, intenzivno radi na okupljanju djece s poteškoćama u razvoju s cijele općine Velika Kladuša, a trenutno broji 30 redovnih članova.

„Najveći broj djece je s Down sindromom, ali dolaze i djeca s cerebralnom paralizom, autizmom, mentalnim teškoćama, disleksijom, disgrafijom i diskalkulijom. Promoviramo inkluzivni rad, pružamo pomoć djeci, njihovim roditeljima i ostalim članovima porodice u vidu savjetodavnog rada i psihološke podrške. Pomažemo roditeljima i djeci prilikom upisa u školu, radimo na uspostavljanju i održavanju socijalnog kontakta, pružamo pomoć u vidu prevencije poremećaja govora, direktne govorne terapije u individualnom i grupnom radu te pomažemo u osnovnom opismenjavanju naših korisnika”, pojasnio je Mirza Huskić, predsjednik Udruženja „I mi postojimo“ i poručio kako im donacija izuzetno znači. **„Zahvaljujemo se kompaniji dm koja je odlučila podržati naš rad. Donirani proizvodi za higijenu tijela i održavanje**



higijene prostora će zaista olakšati rad i boravak korisnicima u našem Udruženju čije prostorije su svega veličine 18 m². ”

U ime kompanije dm, donaciju je uručio Haris Mujagić, menadžer prodajnog područja, koji je podsjetio kako svaki poslovni rast dm već tradicionalno obilježava pružajući podršku lokalnoj zajednici. **„Želja nam je da današnjom donacijom Udruženju „I mi postojimo“ pomognemo da u narednom periodu osiguraju što bolje uslove za sve aktivnosti koje stručna lica obavljaju u radu sa djecom s poteškoćama u razvoju i tako pomognemo procese inkluzije“** izjavio je i dodao **„Izuzetno nam je drago što smo prodajnu mrežu proširili za još jednu prodavnicu u gradu u kojem do sada nismo bili prisutni i tako bogati asortiman naših dm proizvoda učinili dostupnim i građanima Velike Kladuše. Naše kupce i u narednom periodu očekuje široka paleta proizvoda dostupnih po UVIJEKPOVOLJNO cijenama, ali i brojne pogodnosti koje ostvaruju uz dm active beauty programa lojalnosti i digitalnu karticu.“**

Vrijedna nagradna igra do 30.6.2022.

Narednih sedam dana, tačnije do 30.6.2022. kupci mogu sudjelovati i u nagradnoj igri, u kojoj najsretniji mogu osvojiti vrijedne nagrade. Prva nagrada je električni romobil MS Energy e10 i dm poklon paket, druga nagrada je Tefal aparat za vertikalno peglanje i dm poklon paket, dok preostali fond nagrada čini 10 dm poklon kartica u vrijednosti od po 25 KM.

Radno vrijeme prve dm prodavnice u Velikoj Kladuši, na adresi 1. maja bb, je od ponedjeljka do subote od 9:00 do 21:00 sat, dok je nedjelja neradni dan.



Više informacija o dm drogerie markt d.o.o.

Više informacija o dm drogerie markt d.o.o. dm je na bosanskohercegovačkom tržištu prisutan od juna 2006. kada je otvorena prva dm prodavnica u sarajevskom naselju Dobrinja. Za 16 godina dm se pozicionirao kao vodeća kompanija u kategoriji drogerija sa više od 1000 zaposlenika i 83 prodavnice u 43 grada te distribucijskim centrom u Sarajevu. U poslovnoj godini 2020/21. dm je u Bosni i Hercegovini ostvario promet od blizu 227 miliona KM. Asortiman dm-a obuhvata više od 15.500 proizvoda etabliranih svjetskih i domaćih proizvođača, među kojima je 25 dm robnih marki kao što su Balea, alverde, Mivolis, trend IT UP, Denkmit, babylove, dmBio i druge. U cjelokupnom asortimanu posebno mjesto zauzimaju organska hrana, prirodna kozmetika i ekološki prihvatljivi proizvodi.

Saopštenja za javnost na raspolaganju su Vam na <https://www.dm-drogeriemarkt.ba/pr-i-mediji/saopstenja-za-medije>, a arhiva fotografija na <https://www.dm-drogeriemarkt.ba/pr-i-mediji/fotografije-za-medije>.

Za više informacija molimo Vas kontaktirajte:

Ajla Hadžić, menadžer Marketinga, dm drogerie markt d.o.o.

Tel: 033/778-300, e-mail: ajla.hadzic@dm-drogeriemarkt.ba

Alena Kulenović - Delić, PR Director, agencija McCann

Tel: 033/267-121, e-mail: alena.kulenovic@mccann.ba